

VII. *Muris Alpini Anatome.* A Joh. Jacobo Scheuczero, Tigurino, M.D. R.S. S.

Relicet abdominalibus musculis, aperto abdomine, in conspectum venit illico omentum pingue admodum, cuius tractus pinguedinosi vasis sanguiferis epiploicis intertexti palcherrimum formant rete; sed est haec omenti pinguedo concreta magis & compactior ea, quae mox describenda venit, ac veluti emaciata, ut omnino judicare liceat, resorptas esse per hyemem durante somno fluidiores oleosi hujus liquidus partes per venam portae, ut inservirent tum secretioni bilis, quam vesica biliaria fuit admodum turgida, tum nutrimento ipsius corporis.

Ex utroque hypogastrii latere copiosissima conspicitur & laxioris, quam illa omenti, consistentiae pinguedo, quae inde a renibus sese protendit ad inguen, formans veluti alterum, immo duplex omentum, quae pinguedo, uti & illa mesenterii, quae ductum intestinorum omnium comitatur, adest tum ad lubricanda viscera abdominalia, tum in succi nutritii amplum penuarium.

Ad duodeni latus pro more, immo ultra ejus curvatum, sese protendit pancreas, idque valde extenuatum, in quo macilentiæ statu vidimus omnes alias corporis glandulas, speciatim eas, quae musculis interjacent; in his animantibus tardissima est sanguinis circulatio, tardissimæ omnes corporis secretiones; nulla interim serì vel lymphæ, quae tardam quidem, sed tamen successivam habet secretionem, revectio, ut tandem sanguis omni penè fero orbetur; hinc non mirum, quod

I i de-

deficiente lympha secernenda, glandula pancreatis, & sic quoque aliæ debeant emaciari.

Aperto duodeno in conspectum prodit bilis spumosa, quæ ipsa indicat seri defectum.

In fœmella hac uteri cornua sese protendunt ad duos pollices Parismos, tubæ pertenues filo vix crassiores ad $\frac{1}{2}$ pollicis, ovaria 2 lineas circiter longa, unam lata, alba, sub microscopio pellucida, cum prominentibus ovulis distinctæ diaphaneitatis.

Hepatis satis magni lobii sunt sex, & aliqui horum in duos veluti subdivisi per incisuram : Lobo infimo mediante membrana connectitur cum rene dextro.

Renes pinguedine toti sunt obsiti.

Renes succenturiati ad latus venæ cavæ supra emulgentes corpuscula sunt flavicantia tres circiter lineas longa vix dimidiam lata, hepar inter & renes conspiciua ; sed uti aliæ glandulæ, macilentæ.

Ventriculi structura est, uti in animalibus aliis prohibitis & carnivoris, simplex membranosa, licet hoc animal sit herbivorum, figura ejus extat litera A.

Singularis structuræ est fistula intestinalis in confinio intestinorum tenuium & crassorum.

Ingressus ilei in colon in diametro habet duntaxat tres lineas ; colon è regione ilei 2 lineas. Sed quod incurvatur ibidem cœcum, est ex amplissimis, 2 pollicum in diametro. Memorabilis est valvula coli dicta, annuli ad instar rotunda, singularis prorsus structuræ. Exiliis quippe admodum est.

Ingressus ilei veluti inter duas tunicas conniventes, ita ut nullus prorsus concedi possit excrementis ad intestina tenuia regressus. Et membranæ duæ, quæ multo occursu valvulam illam formant, rhomboidalis sunt figuræ. Ad sunt præterea aliæ valvulæ conniventes annulares, & veluti in ramos protensæ tres quatuorve principales versus intestinum cœcum. Illustrat hæc ob-

observatio egregie usum intestini cœci, quod in infantibus recens natis ordinariè est capacius. Infervit nempe id diverticuli loco excrementis per novem mensum decursum in intestinis colligi, nec per ea excerni solitis. Par hic est ratio animantium, quæ per hymen integrum in montium cavernis dormiunt. Nulla per illud tempus fit excrementorum egestio, & tamen non obstante hâc tardissimâ circulatione atque secretione, nullâve ciborum assumptione, collectio fit eorundem, quæ ne intestina utriusque generis infarciant nimium, amandantur ad cœcum, ibique ad usque vernum tempus manent; regressus autem ex eodem ad colon impeditur imprimis per valvulas ante descriptas. Structuram hanc intestinorum memoratorum integrum oculis exhibet figura B; valvulae autem colli & aliarum conniventium fig. C. Ex myographia ea imprimis contemplanda duximus, quæ actiones hujus animalis distinguunt ab aliis aliorum. Immediate sub cute crassus est & fortis musculus platysma myoides dictus, qui colli partem anteriorem & lateralem, immo & totum musculum masseterem fasciæ instar involvit. Ad ipsam usque articulationem humeri cum cubito se protendens labio tum inferiori, tum superiori inseritur, & motum frequentem pedum anteriorum flexorium simul & labiorum insigniter adjuvat. Hæc quippe Animalia cibos pedum anteriorum beneficio, veluti manibus apprehendentia, ori admovent, & terram illorum ope suffodiunt.

Glandulæ thyroïdeæ ad laryngis latera magnæ, haud dubiè ad irrigationem muscularum vicinorum, quorum usus admodum est frequens, quem ipsum in finem passim aliis musculis interjacent alia corpora glandulosa passim memoranda.

Sternohyoideus & sternothyroideus in ordinario sunt situ.

Fortissimus & tendinosus valde est masseter, maximi in his animalibus usus.

Fortissimus item depressor maxillæ inferioris digastricus, qui basi ossis hyoidis & ejus cornibus fortis item tendine à processu styloide ortus in maxillam inferiorem ad mentum ferè usque inseritur, cujus venter anterior imprimis est crassus & posteriori quadruplo fortior.

Loco geniohyoidei externi adest statim sub mento massa carnea musculosa crassa, triangularis inde à maxillæ inferioris concursu, sive angulo, sese in quinque lineas lateraliter protendens, quæ maxillam inferiorem imprimis connectere videtur. Post hunc basi linguæ insternitur musculus latus transversis fibris carnosis à maxillæ inferioris parietibus internis ortus, qui tum in medium linguæ basin, tum in os hyoides inseritur; qui etiam supplere videtur geniohyoideum externum. Tenuis ille est & à substrato geniohyoideo interno, sive genioglosso vix separandus.

Styloglossus fortis quoque est musculus, carnosus que principio à processu styloide ortus in fortem desinens tendonem.

Conspicui valde sunt musculi cricothyroidei item hyochoidei.

Ad latera gulæ & asperæ arteriæ glandulæ sunt utrinque ad digitum ferè longitudinem protensa, quæ nonnisi elevata aspera arteria & gula in conspectum veniunt, & lubricandis his partibus inservire videntur.

Fortis est musculus rectus anticus major ejusdem planè structuræ uti in homine.

Ceratohyooides triangularis musculus à cornibus ossis hyoidis ortus in basin ejus inseritur.

Thyroarytænoideus sub sphinctere gulæ conspicuus ad id speciatim inservit, ut clangorem his anima-libus proprium efficiat constringendo fortiter Arytæ-noideas cartilagines.

Musculi pterygoidei sunt admodum fortes.

Ad supra jam descriptum platysma myodes adnotandum porro, portionem crassiā satis inseri spinæ scapulæ, sed quoque eidem musculo transversi implantari alium tenuem trapezio instratum, qui proin integer ex variis partibus condunatus musculus inservit motui labiorum, flexendo cuncto, levigando scapulæ & antrorsum ducendo brachii, quorum opera hæc animalia terram sufficiunt, aliasque res suas peragunt.

Trapezius eodem prorsus modo se habet ut in homine.

Rhomboidis loco adest musculus fortis sub trapezio in conspectum veniens, qui oritur non solum à superioribus spinis vertebrarum dorsi, & inferioribus colli, sed omnibus omnino spinosis transversilibus vertebrarum colli, & insuper ab occipite, ita ut scapalam non solum retrorsum moveat, sed etiam elevet, sicque patientiæ musculum in actione sua adjuvet.

Insertio hæc rhomboidis in occiput observatur quoque in quadrupedibus aliis, & haud dubie eum in finem adest, ut caput primum pendens tanto melius sustineatur.

Patientiæ musculus tenui principio oritur ab apophysi transversa primæ vertebræ, & in principium spinæ scapulæ inseritur.

Hujus actionem adjuvat aliis eodem principio ortus, qui ad finem spinæ dicæ inseritur, qui duo proin junctim sumpti totam scapulam attollunt.

Serratum inter anticum majorem, qui eodem modo se habet uti in homine, & subscapularem adest glandulosa caro magna & lata fortibus his musculis lubricandis inserviens.

Serratus anticus major non solum dentatas habet origines à costis, sed etiam fortes & crastas propagines arcessit à processibus transversis vertebrarum colli.

Aniscalptor adest duplex unus alteri instratus, inferior & latior atque fortior dentatis veluti processibus ab ipsis costis, imprimis inferioribus oritur, & inferiori scapulae costae in transitu firmiter annexus lata satis basi humero uti in homine inseritur, & præterea propagationem mittit tenuem ad ipsum olecranon, ita ut non solum humerum retro deorsum trahat, sed etiam cubiti extensiōni inserviat.

Musculi humeri infraspinatus, subscapularis, & rotundus uterque eodem modo se habent uti in homine.

Deltoides duplex est. Ea pars, quæ oritur à clavicula & acromio in flexuram cubiti inseritur, adeoque non tam ad humeri, quam ad cubiti musculos pertinet; altera verò portio, quæ ab acromio & spina scapulae oritur, exteriorem humeri situm obtinet in medium circiter humerum inserta; hunc proin non solum sursum movet, sed & extrorsum abducit.

Coracobrachialis tenuis est musculus ejusdem situs & usus ut in homine.

Inter extensores cubiti primus est tenuis, reliquiis fasciæ ad instar instratus, à costa scapulae ortus; sequuntur duo alii fortes, quorum unus etiam à costa scapulae oritur, alter à superiore parte humeri, qui aliquandiu progressi sese uniuert & forti tendine in olecranon inferuntur.

Sub his aliis latet itidem fortis, qui à summa humeri parte ortus cum anconæo sese unit.

Hic ipse autem fortior & crassior est, quam in homine, & exterius atque inferius humeri latus occupat.

Inter flexores cubiti biceps ejusdem est structuræ uti in homine.

Brachialis verò interni origo sese pretendit ad capitulum usque humeri, & in suo progressu hic musculus totam humeri externam partem veluti fasciatim ambit, & eodem loco uti in homine inferitur.

Flexores carpi adsunt tres ; Extensores carpi tales sunt, quales in homine.

Extensores digitorum sunt primò communis, qui in tres digitos priores inferitur ab humero ortus. Secundus cubito descendens, in ultimum & penultimum interficitur.

Adest & indicator s. extensor indicis.

Pronatores se habent uti in homine.

Ex supinatoribus longus brevior est brevi, cæterum ejusdem situs uti in homine.

Aliorum muscularorum descriptiones reservamus in aliud tempus.

Figurarum Explicatio.

Fig. 5. A B. Gula, C D. Duodeum, E. Ventriculus.

Fig. 6. E H. Ilei portio, G. H. Coli portio, H F I. Cœcum omnia magnitudine naturali.

Fig. 7. a z Coli valvula, prorsus fere uti depingitur in homine, nisi quod fermè sit rhomboidalis ; b c Apertura Ilei in Colon.

Fig. 8. K. Portio Cœci, cuius ima pars est aperta versus Colon, ut Valvulae conniventes ramosæ o o in conspectum veniant.

E R R A T A.

Page 223, line 23, r. Fig. 2. ibid. lin. 31, r. Fig. 3.

F I N I S.

